

鶴山縣志卷之七

人物下

國朝

呂化龍字日御樓冲人弱冠以戴禮舉於鄉授浙江會稽知縣縣多豪猾甫下車卽剔釐積弊民皆畏服勤心課士後因南米筭誤士民醵金抵補授新昌不就拂袖而歸講學邑中來學者多所成就卒年六十九舊志

馮天鍾字我彝號孩若越塘人順治庚子舉人主司稱其文高華典則瘴海佳士獨力葬母不倚兄弟仲弟乏嗣爲之定繼焚券好施解紛排難鄉里

鶴山縣志卷之七 人物

頌之康熙丙子擢內閣中書以老告歸同上

易訓字宣人奇際第三子天資卓異少從父遊燕

趙翰苑諸公咏五色鸚鵡訓以少年出語傾動一

時士大夫爭欲識其面後歸嶺南與程可則梁佩

蘭等重結南園詩社性狷介視流俗若浼嘗登厓

山哀歌亭痛哭人莫之測也入蒼梧將探陽朔之

勝而終身焉尊得瘴疾卒年二十六舊志仲兄中字

中文弟畱字兼人並能詩採訪冊

國朝陳恭尹易宣人過訪詩衰草間園鳥不飛海樓

高坐每斜暉是誰宵問幽棲地有客身披隱士衣

獨往肝腸憐汝小後來風雅見人稀深談三日還

三夜未放江門一棹歸又寄易宣人詩碧雲芳

草徧河洲心逐歸潮到海樓謝氏門中多翰墨衛

郎年少最風流入羣野鶴能驚衆出土新松卽傲

秋近得孟光為伴侶知君從此不低頭
王邦畿易訓新昏遠擬楚游詩以寄之塘柳初花
月影新高燒銀燭照青春相逢神女如輕別得見
襄王亦笑人

陶天球喜易三宜人過訪詩當此三春日孤舟入
桂還手持筇竹杖欵我舊柴關別久欣歡聚愁多
亦破顏家貧畱客簡薇蕨供盤飧

岑徵蒼梧旅次與易中文詩天涯相慰各加餐逆
旅誰憐范叔寒貧賤每知為客苦姓名終覺避人
難鴻鳴中澤西風急日墮危樓畫角殘何處登臨

望鄉國牂犵東下水漫漫又羊城寄中文蒼梧
旅中詩佗城斜日冷烟低回首蒼梧望轉迷先爾
獨歸炎海畔避人同住瘴鄉西新詩欲寄勞飛雁

寒夢難成悵曉雞慚愧風塵忙去住北山松柏任
招携

何絳珠江江閣與易中文話舊詩江樓風雨夜十
載已如斯王面今逾壯子衰更可知直將燈下語
翻作夢中疑歲月過何易人生能不知悲又與易

兼人胡大靈宿高望公珠江閣詩杯酒最為樂
知心况復齊月生秋思遠潮長海樓低萬念憑誰
遣一身何處棲無端城上柝驚起夜鳥啼

僧跡刪畚易兼人詩倦鳥歸飛只此林逢人那敢
鶴山縣志卷之七 人物

說幽深勞君遠示山中札使我難為別後心青鏡
覽多增老態孤桐枯盡得元音有懷欲問江門叟

烟棹春來試一尋
陶天球夏晴晚集同高望公朱錫公易宣人兼人
諸子分賦萍踪難得此時同坐憩荒林五月中山

雨遠歸庭樹綠雲低映女墻紅枯桐最喜彈新
月小甕還宜醉晚風轉憶明朝各分手相看城郭
盡哀鴻

陶鐘寄易兼人山中詩古濠潮長水生文柳下風
前獨憶君塵尾輕搖桐樹影籜冠高拂竹梢雲山
中好信尋常得愁裏清歌不忍聞惆
悵無因托明月擬將秋色共平分

易宏字渭遠別字秋河又號雲華子坡山人年二
十尙未知名嘗遊海幢寺題詩壁間制軍吳興祚

見之遂諭縣令禮延入幕幕客王礎臣周萬山皆

江南名士也至日元夕遇雨吳命聯賦粵臺春雨

詩遲者罰三觴客皆困吳連舉觴飲宏曰以此酬

君敏捷既而吳遷瀋陽挾以行所過名山大川仙靈古蹟莫不有詩五岳登其四北歸當道爭致禮焉性落落寡合獨寓端州法輪寺著述自娛因卒

于寺舊志寺僧惺葬之西郭外梅菴之右採訪冊

國朝蘇楫汝送易渭遠赴大司馬吳公召詩龍劍鬱豐城精光貫牛斗神物不終秘忽入張雷手古來超羣士潛跡在巖數知已一朝逢聲名附不朽猗歟坡亭子十載臥甕牖室無擔石儲讀書窮二酉吳公大司馬人物待臧否聞名倒屣迎延引一何厚驂驪伯樂顧璞玉良工剖相知在文章稱賞不容口吳公方趨朝命載安車後挾策出雄關立馬徘徊久歷覽紀山川雷題詩千首悲歌黃金臺大醉燕市酒意氣何豪雄酬知有瓊玖何九疇喜易秋河歸岡州詩風霜染得鬢毛新七尺昂藏尚此身世路久為彈鋏客家鄉歸作灌園人半間茅屋從破幾卷殘書更拂塵莫道蕭條無舊業吟詩猶可耐清貧

鶴山縣志卷之七 人物

馮臚高字公章越塘人康熙壬寅與門人馮時若等赴試江中遇盜盡捲衣物去後詢知高名乃還之高隨開導賊感悟改行從善十餘年後聞高卒率其子詣靈前流涕嗚咽而去舊志

馮我穀越塘人少有文名年二十補諸生體豐腴丰度閒雅嘗就館錢塘鄉中途為賊劉保擄入山寨穀說以仁義保敬禮之即從其言就撫同上

麥子連四合人其妻與麥翰卿之妻楊氏兄弟也麥楊氏被擄過子連所居樓大呼姨夫救我救我子連素雄健有力聞即持械出連傷數賊賊棄麥

楊氏去子連身被十餘創卒年五十二歲採訪冊

謹案舊志載麥楊氏已得 旌表獨缺子
連事今據麥氏採訪冊補正

張懷箕橋坑人秉性正直康熙己酉山賊肆虐駐
村三日村民困甚懷箕出謀所以甦困者被執賊
令以計賺開村門免其一家不則白及從事箕厲
聲曰大丈夫寧身受戮豈肯利己害眾乎賊義之
而退眾賴以全舊志
馮迺越塘人生而奇偉有胆識偽周馬雄兵臨縣
境派餉橫征坐催慘酷鄉人無措迺出周旋鄉賴
以安晚年家塾授徒廣施藥餌婦人穉子咸稱為
眾父云

鶴山縣志卷之七

人物

四

馮以錫字傑士越塘人力學不倦雖病臥手不釋
卷又謹小慎微日之所為無論善惡皆謹記之蓋
欲鑒前以警後也性至孝事繼母得其懽心處兄
弟友愛無相尤設立學田為後人膏火之資時偽
周馬雄寇縣城遣偽官到鄉勒餉眾皆恐懼公挺
身出與辨事卒得寢族賴以安

呂飛熊樓冲人少有咏海珠寺詩人以神童目之
年十三補弟子員十五中乙卯副榜二十四卒

海珠寺詩日冷江寒走暮烟渚清沙淺過遊船松
簷燕雀春能語石竇魚龍夜不眠城裏孤峯偏出
海枕邊流水欲稽天黃塵擾擾還今古漁子清歌
自渺然誰布黃金海上回望中樓閣嚴蓬萊波
濤萬里吹天轉畫角孤城動地來水落魚梁時抱
石夜深蜃氣暫成臺乘流會有清酤好貪看江雲

懶把杯 天風吹浪鼓溟溟勺水猶堪敵巨靈地
似折蘆曾面壁人疑登岸得心經日沉盡見樓臺
紫潮落空餘宇宙青聞道海龍
能聽講夜深還扣綠蘿扇

謹案飛熊字帝思海珠寺詩有三首舊志

僅錄其二今補正

胡作賓字丹六坡山人為三水諸生博極羣書胸
有智畧時偽將殘破粵西賓隨制府李征討有功
題授懷集教諭解組歸里復隨經畧熊恢復雲貴
多所擘畫旋題縣職需次銓曹逆藩尚之信慕其
才逼入幕府賓絕不為畫一策祇以詩詞書法自
晦時稱為哲士同上

李苑芝雙橋西園人長大有膂力豪俠好義時地

鶴山縣志卷之七 人物

五

方多故苑破千金募壯士衛鄉里康熙十四年偽
周馬雄寇新興逕口寨貢生陳桐遷告急於苑苑
以眾至大呼曰八老在誰得至此賊方縱火焚樓
苑擊賊滅火救出樓中男婦甚眾復追賊中砲死
年三十六賊亦大創自此不敢犯逕口葬之日送
者數百人至今新興稱李義士云肇慶府志

劉士課字漢生龍溪人舊志歲貢生康熙二十年任

陽春訓導其學得江門之傳與多士深研性理多
所徹證性恬淡不屑名利三十三年陞福建建陽

縣丞陽春縣志時年八十縣令王子駿師之每旦必講

學于其署而後視事甫二年既得贈其親遂解組

歸舊志

劉一麟字

龍溪人耿介廉潔取與不苟耽於

詩書手未嘗釋卷家徒四壁饔飧不給晏如也登科十年足不履公庭糧憲蔣公慕其才品以禮下之已而奉使督學中州同往閱卷選拔皆名士康熙辛未登進士歸益勉力於操守日與書史相對所居祖屋僅蔽風雨十餘年未嘗易寸椽塊瓦壬申將赴選抱疾卒衣衾棺槨皆出稱貸其操行有如此者

劉廷槐一麟子性聰敏於書無所不讀弱冠補郡庠生父南旋未幾卽逝槐旦暮悲泣哀毀喪明所

鶴山縣志卷之七

人物

六

有著作可以壽世惜無力付梓卒年八十三

黃有鳳字邦傑黃洞人補從化諸生少儻讀書見大意能急人之難族有冤陷獄中者鳳竭力周旋凡四載卒得脫房叔元龍以軍功授羅定城守卒於官鳳不憚險阻扶櫬歸葬授經羊城敦尚實行老於場屋絕不介意晚年日坐小石渠課子孫及鄉里之秀者疊疊不倦云

呂文凝字竣朗樓冲人康熙丙子舉人知河南考城縣革雜派興學校士民愛之撫軍新任問邑產牡丹富麗若何以不知對撫軍笑曰知縣花亦不知耶對曰某知民生利病耳他非所知撫軍啣之

會西北用兵飛檄下取軍需民憂其得罪爭致所
有五日而辦撫軍知其情轉加敬禮戊戌以政最
行取入都甲辰授刑部主事引疾歸杜門課子卒
年七十七

呂文煥字其章樓冲人由龍門學歲貢任肇慶府
訓導陞連平州學正晉韶州府教授上虞縣知縣
歷任三十餘載獎勸士類培植孤寒嘗爲藍氏父
子出脫冤獄歲饑捐米賑給存活甚衆上虞人頌
之後以原品致仕卒年八十四

馮廷選字亮揆孩童時卽以博學能文稱年十七
補花縣弟子員四十始領歲薦好讀書至老彌篤

鶴山縣志卷之七 人物

七

著作頗多今皆不傳

馮朝俊越塘人慈祥孝友家貧貿易甘旨不缺父
歿後每祭祀輒泣數行下至老猶然季弟歿撫諸
姪俾克成立妻父區煜桓無祀捐田入區祠附祀
後爲族匪盜典復捐金贖還其行義有非他人所
能及者壽九十四

馮宗學越塘人幼好學敦孝友少從父觀競渡適
大雨滂沱父解衣擁護之因而得疾不起後聞鼓
柁聲輒杜門揮涕終身不觀競渡又嘗築河防以
禦潦水冲决之患壽八十一

馮九章字君容性嗜學尤邃於周易春秋早以文

章自豪屢試不售不少挫折所著有鴛帷恨譜及懿行錄蓬萊集諸書紳士共舉於縣授儒官不赴歿後濟宇陸公旌其墓曰明經篤行之士

余廷萬雷州人雅瑤馮達能隨兄任徐聞中軍所買僕也配以鄔氏婢能妻胡及子顯覺居故里能遣萬携妻歸就胡家故貧賴萬竭蹶支持以養胡死萬爲喪葬又出其傭資爲顯覺娶妻李氏而達能卒於徐聞萬扶櫬歸窆不兩載顯覺又亡遺腹一子曰毛歲甫週李挾以他適萬卽白諸族衆襁毛歸與鄔氏竭力撫養稍長送就外傳且爲訂婚時萬年逾七十矣日販烟柝榔取錙銖利以供朝

鶴山縣志卷之七

人物

八

夕毛旣長而情好近匪人屢諫不聽萬乃涕泣曰吾所以艱難萬狀而不辭者欲觀其成立以繼主嗣也今若此復何望哉遂縊而死

呂南浦樓冲人過渡拾得金銀器一箱守候原主還之其人拜謝而去

謹案採訪冊有馮文遠者雅瑤人浴于溪拾一橐內銀數十兩有倉皇至者曰適遺一物必不可得矣詰之恰符其數悉還之又有馮萬全者維敦人嘗自省會歸渡中有行囊相類者倉卒間悞携全囊去餘客囊得重金訪其人互易焉客欲中分之全

曰苟利汝金不待汝酬也皆盛德事並記于此

宋承標平岡人性質直有遠客以千金見託竟不返後十餘年其子來如數還之

黃城山黃洞人性梗直不利人之有貿易佛山以染皂爲業鄰舍不戒于火城貯染客紬綾六百餘疋悉捲以奔事定如數給還不藉火隱匿時人義之俱同上

葉恩宜鶴山人

羅江人

正月九日鄉中賽神張燈夜遊其夜恩宜空室往觀獨父從心守門賊匪某率其黨踰垣入從心覺而號則劫而束之實其口以

鶴山縣志卷之七

人物

九

絮攫財物去比家人歸則已氣絕矣當是時恩宜年十六日夜懷利及伺於賊所出入處一夕大風雨寒甚賊負所竊物纍纍冒雨出遇恩宜縛以歸慷慨拔刀而前曰吾得手及父仇願已畢矣乃割其首刳其心投沸湯熱之哭而奠諸父蓋距從心歿時僅十餘日耳賊母舅以誣殺首官恩宜困于囹圄數年不得直某臬司履任閱其牘曰孝子也其罪可原其志可嘉特予開釋恩宜在獄中每息日輒痛哭其至性老而不衰乾隆元年以年八十

恩贈八品頂帶以終

新通志

羅奕璇大霖坪人卽旌表節婦羅曹氏子也失怙

時僅八歲哀毀動鄰里人以爲出自性成事母朝夕床帷必親理母年九十出入猶稟命而行日晡必歸無濡滯止宿者原居坪山村乾隆初縣城新立以大霖坪近縣市便鬻魚鮮因徙居焉又恐值嚴寒風雨不常有于村前闢小池畜魚百頭俾甘旨無缺至今人呼爲孝子池同輩欲以孝行聞諸縣令蹙然曰人子事親豈以市名耶諸君毋重我罪母卒饋粥三年哀慕如一日焉子二長佳元次

名煒邑庠生

採訪冊

李暢馥涇珍人乾隆戊午科舉人連捷明通榜進士任新安教諭連丁內外艱服闋署番禺學再署

鶴山縣志卷之七

人物

十

遂溪以病告歸時鶴邑新開縣治文風未振暢馥首倡郡人建崑陽義學又率族人建蟠光義學于祿洞厚其廩給族人卽延暢馥主講設教分三等每歲首輒集父老飲且議某子弟應入大學某應入中學小學不論年齒有年幼而入大學者有年長而反入小學者于是爭自濯磨駸駸日盛先是各縣捐金築城者得入籍謂之百五戶其後冒籍歧考紛紛莫可究詰暢馥走京師赴告禮部得清查各戶撥歸原籍其弊始絕邑令劉繼創修邑志事悉諮訪于暢馥無所阿黨將建圓珠閣時有爲形家言者曰此閣于涇珍爲廉貞位將不利于公

盍易其位暢馥曰苟利十七堡可也損我何害閣
成其子陽十七歲暴卒陽年少能文鄉人嗟悼暢
馥處之夷然卒年四十五鄉人立木主于崑陽義
學偕劉令並祀焉

陸鼎臣越塘人家貧力學博通經史得其指授者
多博青紫去而鼎臣以布衣老生平取與不苟比
卒子稱尙幼及門各助金贍之稱長悉還其金人
皆曰此先生之教也乃繪一小像約每歲重九日
于崑陽義學共奠之

李高飛字象鵬堯溪人中庚辰鄉試解元素性謙
謹不慕標榜聲華故文譽不甚著而內行綦篤少

鶴山縣志卷之七

人物

七

失怙事母至孝嘗作勸孝文訓其族人謂孟子所
言世俗不孝者五大抵不外酒色財氣而私妻子
一節至今日爲尤甚聽妻子言謂老人難于服事
與父母分居卽薪米無缺亦與養犬馬何異或兄
弟衆多輪流奉養似非不善然貧富豈能畫一倘
兄弟饗殮不繼父母枵腹人子安能獨飽耶某生
不辰慈父早世終天抱恨莫益前愆願仁人孝子
廣而傳之勿以愚言爲迂也反覆數百言讀者皆
爲涕下先是元旦夢人手執一牌上書姓名甚夥
而已名居首嘗語人曰豈命盡于此耶但老母尙
在非其時耳秋試亦不欲赴衆力勸之乃就竟得

第一人然絕無驕矜色也前任順德教諭丁內艱服闋補東莞教諭卒于任莞人士公祭有贍有鴻文津後學絕無纖行畔先民之語人以為無愧斯言

吳槐炳字耀垣別字植亭晚獲石琴號石琴道人黃寶坑人乾隆庚寅科舉人祖紹裘字嗣芳足跡未嘗至公府聞鄉鄰將構訟輒委曲開導甚則出囊金相救解或往返數十里值大雨淋漓忍饑餓徹夜奔走無所恨鄉里皆稱曰長者父奇俊字宗藩尤多隱德槐署福建寧洋縣知縣蒞任之日卽戒民無以小嫌興訟貽後悔治事兩載獄無囚犯

鶴山縣志卷之七

人物

三

邑有鐵山惡少聚焉時出爲民害槐力請封禁與上官意不合卽請就教職歸補英德訓導田文端舊治也因以文端學約課士有效丁外艱服闋補新會教諭學使者訪白沙先生嫡裔將補諸生陳氏覬覦者以千金爲餌槐却之親至白沙村詢諸父老以陳禮名復學使得游于庠禮藉訓蒙爲活蓋衣食皆不給也性至孝五十歲後事父如嬰兒色稍不豫卽長跪請罪不令起不敢起母黃氏九十餘歲迎養官署朝夕定省生平博極羣書手自抄錄夜燈熒熒然至老彌篤年七十六無病卒

馮敏昌贈詩月官携手得同行况復關心似弟兄製錦飛鳧千里意朱霞白鶴昔年情闌干苜蓿栽

何礙砌畔芝蘭發更榮我亦置身從散地幸因佳句慰平生

彭軺石琴歌正聲日就趨微茫繁弦急管紛蜩蟬
卽今之琴亦俗樂嶧山名材焉足當淵明卓識出
千古掃盡俗調追羲皇無弦得趣亦已足何必冰
炭生中腸江門老人振異響石琴流韻聲鏗鏘世
無其器響誰繼閱數百載傳吳郎吳郎夙有米公
癖天遣薄宦棲滄泲由來至寶待知已冲霄紫氣
騰方塘秋深水落泥露脊斯琴笑兀沙中央抱歸
湔洗試拂拭天然太古含宮商爲分鶴俸潔斗室
龍涎細炷金爐香風清月白一揮手元氣噴薄天
迴光或云本來陶公壁上物桐質千歲凝堅剛或
云卽爲石翁夢所遺鞠通不肯歸穹蒼吾聞鄭璠
昔日來嶺南網羅所遺鞠通不肯歸穹蒼吾聞鄭璠
琴兮爾獨何故甘括囊又聞茲土仙尉米元章搜
尋石丈窮遐荒一卷可拜亦入袖斯時爾又逃何
方沙摧水齧自千古賞音誰是增感傷邇來發露
不隱世山川陡覺生光芒吁嗟乎古今神物遇合
不可常會須上陳清廟登明堂元音感召儀鳳凰
不然亦遣野鶴同行裝清風兩袖歸故鄉高山流
水共徜徉慎毋改弦易調多更張我獨數奇不得
當手摹袖拂心彷徨君不見從來瓦釜爭雷碾黃
鐘委棄深埋藏石琴之音何洋洋滇江之水何湯
湯何時洗盡從前箏笛與絲篁與君永爲介友地
久兼天長

鶴山縣志卷之七

人物

三

馮秋鶚字羽達越塘人天性純篤力學不倦乾隆
庚寅歲携弟爲光就館維敦舟至鷓鴣石值雨後
潦水湧出舟掀簸不定弟失足落水鶚急赴水救
弟得免而已以力竭死鄉人哀之時六月之十五
日也

鍾仲裕字懋亭鶴山人

禾谷坪新村人

由拔貢任徐聞學

教諭整飭廉隅杜絕奔競每與生徒講解經書剖
晰奧義娓娓終日不倦時徐邑學舍傾頽榛蕪滿
目毅然膺修舉之任先勸諭多士不時聚會課文

以作其志自是而義學而奎樓而學宮以次建修
士氣爲之一振其勞心學校厥功甚偉陞廉州府
學教授致仕歸雷州府志仲裕初應縣試第一尋丁外
艱服闋縣府院三試皆第一人稱小三元時鶴邑
新建草創未定率族人建宗祠立義學曰建祠以
聚族設學以立教此新邑當務之急也居官二十
餘載得俸餘輒爲族黨子姪畢婚娶助喪葬家居
則草具糲食而已採訪冊

古大鯤字功鰲龍溪人爲諸生食餼有聲庠序間
平生接人以和步履必端視無旁矚以歲貢敘選
南海訓導學者負笈從之學舍至不能容有相隨

鶴山縣志卷之七

人物

古

人〇〇〇

十餘年不去者立學約八則曰立志曰治心曰守
身曰慎言曰擇交曰待人曰吟誦曰論著顏其齋
曰課勤作課勤齋說其畧曰生人之要務勤而已
矣心不勤則昏身不勤則弱不勤于已無以立躬
不勤于人無以濟世余素性嗜學又勞于誨人中
年瘠甚或慮余心血嘔出而余終獲保遐齡蓋役
于利者溺志薰心役于理者培元葆性勤固無負
于人也向例歲科兩試補諸生者初見必有贄以
貧富爲上下大鯤概弗較多寡終歲所得僞金積
而投之于江曰無誤後人也嘉慶庚申年八十應

鄉試

欽賜舉人辛酉恭遇

覃恩賜贈父母如例遂解組歸里年九十一卒論者謂大鯤嚴毅清苦篤志求道類羅仲素專精經術教人有法類胡翼之云

任昌士湖夏人以歲貢選鎮平縣訓導嘉慶甲子鄉試

欽賜舉人在任一十四載士欽其學行立木主配享昌黎祠

呂進弼字思贊樓冲人言諾不欺爲鄉里所重凡修學宮建文閣皆力任其事乾隆庚子中丞李恭毅公擇鄉正除暴安良衆推弼無異議戊戌丙午

鶴山縣志卷之七

人物

五

丁未三歲薦饑出穀數百石勸捐全活甚衆其在五服內者不論男女人日給米一升長兄家中落子孫十餘人不能糊口每人按月給米六斗次兄卒姪大成方七歲撫姪如子及姪卒遺孤五人尙幼皆撫之成立臨終遺囑家產析爲二子與姪各半同居三世內外無間言五弟婦貧而孀居周卹尤厚卒年七十四

呂瀾字運斯號墨海甫草堂人以童試冠軍遊郡庠旋食餼棘闈十五試不遇而志不少挫李恭毅公撫粵飭各縣各鄉立千戶保正邑令崔田見以瀾名上固辭不獲卽毅然以正人心厚風俗爲己

任大書一聯於公所曰私辟一毫無地載公平兩
字有天知舊例凡立繼嗣者必索重貲入祖嘗乃
得領胙名曰花枝錢貧者難之遂安于絕嗣又不
肖子弟有犯禁應罰者如本人赤貧卽由親及疎
無故株連甚至累及小宗之祖瀾曉諭鄉人悉罷
之人咸悅服瀾事親孝教子尤嚴厲不稍恕六子
先後遊于庠卒年六十五

麥鷹揚字資美四合人中乾隆丁未武科進士

賜探花及第在

鑾儀衛行走乾隆六十年分發福建以參將用署烽
火門參將因夷船被劫事降把總旋陞中軍參將

鶴山縣志卷之七

人物

六

兼理海壇左營遊擊代辦鎮務竟卒于任鷹揚善
騎射鼓厲士卒嘗語其部下曰砲子會避人人不
能避砲子王事不終安用臣爲由是士多感激前
後斬獲盜匪甚衆卒年五十六未竟其用時論惜
之

何元昌芸蓼人家貧無以養母則傭于樓冲鄉同
姓邦聘翁家卽孝子汝材祖也每日樵採必裹飯
往元昌紆道歸盡以食母自乃刷山薑療飢採薪
而還久之里人稱其孝邦聘聞之常餽以酒食母
以此得飽煖今子孫蕃盛人以爲孝行之報每歲
元旦其子孫必至樓冲叩首邦聘主前至于今不

改云

馮儒鷺越塘人終身應童子試不售以蒙館爲活性至孝嘉慶九年族人馮觀復偕梁修平結拜添地會謀劫獄官兵旦夕至鄉人扶老携幼奔逃如蟻鷺負母奔樓冲且行且慰母曰兒在母毋恐母曰我老矣死不足惜媳婦諸孫安在乎鷺曰諸孫相隨在後行且至其實鷺獨負母行家人俱不知也事定子婦皆無恙人以爲孝感所致

何汝材字弼常樓冲人邑庠生性至孝祖母患咳嗽恒不得寐中夜呼汝材未嘗不在側歲爲童子師所得束修盡歸于父有所需則請之衣履不私

鶴山縣志卷之七

人物

七

置一日自館歸請于母曰媳婦侍奉若何母曰媳婦無他過失惟某事其言云云稍拂吾意耳汝材流涕奉杖跪母前曰兒婦不孝皆兒不能化導所致乞母加責以懲後來母曰事可已明日涕泣復請又明日請如故婦大感悔終身不敢忤其姑汝材旣孝事父母又導其妻子躬自勞苦不分責于妯娌每出汲令婦之年長者汲于井中年者接于途少而初歸者接于門人謂其勞逸均而有禮弟汝源病甚醫言不可治汝材時其飲食七八年無厭倦色其後卒治妹適易氏一家五口皆仰給于汝材教其甥嫁其二女又一妹早瞽許字劉氏而

夫死亦守貞而老于汝材家凡衣食皆先妹而後及其妻子卒年五十一稱其孝友者遠近無異詞其他瑣事尚不勝書也

宋光傑沙牛岡人力耕奉親得其歡心弟年長分居稍有憂戚必携酒肉往慰解之農務稍暇輒挾論語及朱子家訓訓俗遺規坐榕陰爲鄉人解說鄉人或羣坐喧譁光傑至卽肅然邑庠生胡祖基有文名館于其鄉偶窘乏光傑陰使其門人託父命贈以金而祖基不知也嘗至赤嶺村取溝泥壅田得銀簪徧訪知爲宋何氏物卽還之入山樵採見山徑欹仄明日携畚鍤往修令平坦囊有餘錢

鶴山縣志卷之七

人物

六

每分給鄉之貧者而絕口不言貧久之益困終不向人借貸一錢遂餓死時嘉慶之十五年也

何光錫字伯容沐河人性坦率愛重文人延師教子極盡誠敬各鄉會文聞有佳藝無遠近必親到請教饋筆金以致意旣錄其文以歸卽聚子弟讀之曰汝等能構如此佳文雖傾囊誨汝亦快也平日樂道人善見不善必談笑以啟迪之機有可轉或助之財以貿易或助之牛以耕作多有化爲善類者順德梁維中喪六妻無子助之續娶龍潭梁茂廣九江陳佐乾並老而無子皆助之立妾三人者後皆有子鄉有基園開一竇則王陳何三姓俱

受其利父老難之光錫毅然自任首捐金倡衆事
遂濟鄉鄰有爭得片言立止故長者之名聞于遠
邇云嘉慶十五年 十 歲

恩賜修職郎

呂椿壽字志堯樓冲人副貢生依甫子家素貧父
歿後益不給朝夕奉母自奉盥進膳外凡中裙廁
踰之類皆躬自浣滌不以假妻子母亦非壽在側
不樂歲藉蒙館以養三日必一歸爲母梳洗有富
室延訓子豐其膳壽辭曰吾母猶飯粗糲吾忍飮
甘脆耶丙午丁未大饑日哺糜且不得飽兩足腫
矣猶借貸市猪肘啖母母以上壽終晚年兩目昏

鶴山縣志卷之七 人物

九

眊不能授徒生計益蹙有以財物贈者非致敬盡
禮弗屑也八十二歲卒

陸暢揆隔萌人父早卒家貧供母甘旨無缺母年
老或詣鄰嫗談笑揆必候于門外終日不倦母出
則負以歸揆或外出母住弟英家必寄錢奉母較
多于寄妻子錢曰吾居長不忍使弟養吾母也故
母恒飽而妻與幼子輒藜藿不充英長竭力爲娶
婦英未嘗自費一錢道光元年五月暢揆死而母
不免飢餒矣俱同

馮八秀古勞人洪武初佐新會劉令修築古勞基
圍後人念其功德立祠祀之謹
陸子揚越塘人號逸南慷慨重義修沙坪墟橋以
便行人年九十七日觀曾元象賢卽其曾孫也

馮儀越塘人讓產于兄以孝友聞
李驄為人輕財重義篤于友愛邑侯丁積為昏喪
等禮以節民財擇各都有德行者掌之舉驄為都
老里甲莫不信從年八十有三
馮漁隱越塘人博學多才不求聞達設書齋置學
田以詩禮教其子弟年九十五
李建業越塘人立義田賑濟鄉鄰年八十一
馮振芳大萌人慷慨好義鄉有馮生濠者幼失怙
貧無以殮芳解囊殯之撫濠若己子濠長厚加酢
報芳曰吾豈市恩者悉却之里有窪田遇潦堤圯
芳捐穀率鄉人修復又造橋梁以利濟人咸德之
年九十六
李賽堯溪人善事繼母人以為難又周濟族黨萬
歷辛丑督修新會學宮官旌以匾額授冠帶
易騰芳越塘人性聰慧年十二列邑庠生平志行
純潔人稱醇儒卒年七十三
呂焯樓冲人嗜學能文樂善好施鄉人德之年七
十六
呂文煒樓冲人性簡默好學不倦為善不求人知
多有隱德卒年六十
馮祿越塘人不苟然諾嘗面斥人非賈于羊城人
呼為直言翁因以為號延師教子弟傾囊不吝又

鶴山縣志卷之七 人物

三

置學田以勵後人年八十六
黎崇霄清溪人歲凶捐穀以賑宗族又在省捐金
助賑列憲給義舉光宗匾額
馮七教字平吾越塘人以馮衡名遊番禺庠性豪
爽喜解紛排難鄉有劉君錫者充鄉練為官差繫
累眾無救者教聞之慨然曰此吾鄉人不可不救
即赴縣代陳得釋劉謝以金教笑曰吾豈利若金
乃急若急耶却之
呂應祥樓冲人好讀書不求聞達敦宗睦族賑貸
貧乏橋梁道路尤所樂修晚年詩酒自娛
馮正裕字伯瞻盤石里人邑庠生祖姑適玉橋易
姓盜劫取贖裕費千金贖之不復責償又里中罹
無妄之禍裕扶叔祖挺仁先幾脫去生平事多類
此絕意進取日涉園社觴咏終老
馮雁臺越塘人友愛性成兄患顛掉子幼家貧無
以度活臺朝夕供奉無吝容耕牛死命瘞之人曰
沽之可得數金馮曰吾食其力多矣忍復裂其軀
乎其仁厚如此
呂文彥字瀛章樓冲人邑庠生痛父早喪事母至
孝母病侍藥衣不解帶者月餘卒年四十四
黃英祥字中立維敦人任廣西桂林府經歷有政
聲歸林時士寇李有容數為鄉害密報邑令擒之

地方以寧好誦先儒語錄謂一命之士必有所利
濟于人庶幾不晏然為天下蠹其生平勵志如此
呂蘭芳字倚谷樓冲人年十三補諸生以明經選
訓導因母老辭弗就康熙丁酉癸巳歲饑捐粟賑
貧活人甚眾性喜周恤嘗助棺施地課四子皆登
仕版

何庸光字時修芸蓼人好讀書不干外事以本鄉
文風未振多方勸課邑令以齒德表其間
易遠字廷達坡山人領正德丁卯鄉薦授湖廣桃
源縣尹辭職歸林孝養繼母事從叔祖龍終身維
謹龍建祖祠作家訓遠增祭田立義祠繼志述事
一法相承

馮著鑄字惠生越塘人正直不阿鄉有受屈者訴
之必代為伸理或解囊贈之無德色隣里有急力
為周卹嘗置學田為子孫讀書膏火卒年八十八
鍾光麟小官田人造橋梁以濟行人每穀價昂貴
多方借貸以恤鄉里鄉人德之
馮雲騰越塘人萬歷丙申歲饑捐粟賑濟鄉隣均
派有方存活甚眾院憲表其門曰義士卒年八十
五

楊彌芳大凹人庠生番禺籍輕財尚義萬歷元年
捐築岡州新城四十餘丈

鶴山縣志卷之七 人物

三

馮伯秋萬歷癸巳捐金倡修沙尾頭深坑路行人
便之邑令旌以齒德兼隆匾額年九十六
勞建華龍溪人慷慨好施甲午山寇充斥解囊食
其族眾年九十二

李挺林好學能文明大義捐金修祖祠設膏火供
子弟誦讀又解囊修築基圍鄉族倚賴

屈維綸號堯叟歲凶捐資救濟族人卒年八十六
源喬俸雍正甲辰巳巳歲歎捐產貸金以賑隣里
卒年八十八

馮爵超乾隆七年十七年俱捐穀周給貧乏
呂文斐字成章樓冲人扶植善類不惜重資助之
康熙壬辰癸巳連年饑饉捐穀三百石賑恤鄉人

藉以贍活者數百家斐歿里人思之不哀
楊珩大凹人雍正二年捐社倉穀五十石當道旌
以好義可風及清白相承匾額

呂源乾隆十七年捐米八十石十九年捐米七十
石分給族人之貧乏者

馮球越塘人置酒樓坪租穀一百石為子孫讀書
膏火年八十五

馮元生越塘人置學塘獎勵後昆卒年八十一
馮綜越塘人捐學田為後昆肄業膏火年七十二

馮越池置沙坪頭魚塘及鋪租以資後學年七十

九 馮永基越塘人捐田置嘗業又置沙坪魚塘鋪租
資子孫誦讀年八十二
馮迥越塘人置學田一十五畝資子孫誦讀年八
十四
楊逢熹爲祖捐復書田以爲子孫讀書膏火壽八
十
李權乾隆十四年捐田入文廟
呂鼎捐百金倡建祖祠
葉枝旭倡建鄉約亭宣講 上諭又捐祠地以妥
先靈

謹案以上四十五人舊志用小字附列傳
之後別爲旌善門蓋雖無奇行而一善可
錄亦足爲鄉曲慕義者勸也茲仍附錄如
右是亦不掩人善之意云耳

藝術 附

鶴山縣志卷之七

人物

三

易裕興號履貞玉橋人以岐黃術行于省會當道
雅重之子羽九號翹旭術益精有少年見公來僞
作呻吟狀公診其脈曰子固無病明年此月乃真
病耳及期而卒有患頭痛欲死者諸醫皆束手公
令飲靛花水至極飽痛愈不可忍呼左右抱持之
食頃兩蟲從鼻出病若失曰此蟠頭毒也食人腦
腦盡死矣人驚以爲神平生以藥濟人而不索值
鄉里稱頌不衰孫雲翔曾孫會朋皆世其業雲翔
壽八十四會朋亦八十餘屢赴賓筵時人稱爲四

世良醫其族有經國者並有名

採訪 冊

易經國嘗挾貲遊京師與太醫院程玉華相厚善

翟公曰治東南人病與西北不同汝粵中鮮有知者誤人不少爲嘆息者久之時與順德龍山左某偕因共拜翟公傳其術翟公出所著書二各携其一以歸邑令方顯奉上憲諭考選醫學以經國名上多所奏劾常以翟公語告邑之醫士俾無以人命爲戲卒年七十九子若孫及曾孫皆以醫名而左氏之子孫不能讀父祖書矣

馮堯傑越塘人靈悟過人嘗曰醫不能離古方亦不可泥古方每遇奇證多以意逆之輒迎及而解與易會朋先後俱行于時俱同上

文斗字魁柄一字白雲文屋邊人寄居南海以畫

鶴山縣志卷之七 人物

三

名子女皆教以丹青家貧惟資潤筆以給饗煢性亦好吟尤耽奕家人不以斷炊告雖求畫者踵至漫應之而已香山令彭翥賢尹也訪之羊城報資寺贈以詩卒年九十三新通志斗中年喪妻不再娶子恐庸畫有家法長女定矢志事父斗亦不强與擇配獨居寡言語鄰里罕見其面頗能詩不多作

壽九十四以畫終其身採訪冊

彭翥贈詩是翁真矍鑠老筆更超羣盡日圖青嶂終年臥白雲楚山延譽美謝雪吐詞芬藝事閨門盛餘風足守文自註先生之子若女皆嫻于詩畫我性耽嘉尚先生愛古權相關來梵利啟篋見

雲巒坐久榕陰徙談深海日殘從今儀鶴髻不展稗珠看

吳函同人雅集西禪寺卽席贈白雲山人詩一幅新描處士圖隔離呼酒雜屠沽山中雞黍尋常具

騰看秋棚
折頸瓠

施通一竹萌人博通易理精堪輿術嘉慶丙寅雙
附兩都議建文閣于邑城南門外罩山古勞都爭
之卜于神延高明區不烈為斷通一先作鶴城形
勢論以示眾區見之曰此定論也既而卒成之城
中多火災邑令屢緣事去官道光癸未毀人始服
通一之先見焉採訪冊

論曰鶴城脈發崑崙至小障貝而東跌卯峽由卯
轉艮入首結城托后者雄秀聳峙氣象崢嶸右邊
連嶂疊巘延亘綿長東南諸峯雖不甚軒舉何止
百疊千重總全勢而論形家實煞似不能無然秀
靈孕育虛實相乘前面順鋪陽潤之局者因枕凝
陰之後也左邊秀砂低纏者因右雄峻太過也罩
山小小橫收止取衛局耳高則扞隔外陽內氣蓄
而不舒高既不可尚可建文閣于其巔乎城外兩
鶴山縣志卷之七 人物

謹案通一此論于形勢方位之地瞭若指
掌後之踵事者毋輕議增改斯闔邑之幸
也

者壽附

宋

李念台

恩授百齡壽官

明

李廷璽 坡山人一
百零二歲
呂誠 小范人一百零二歲嘉
靖十三年錫八品冠帶

景盛 坡山人
李孔揚 坡山人
扶景立 坡山人
易遂 坡山人

盛 玉橋人九
十三歲
麥恩深 四合人庠生九
十歲另見鄉飲
李舜化 廷璽
子九

十六歲
施應岳 竹萌人九十
五歲有傳
施應昭 竹萌人九十
六歲有傳
陸

子揚 越塘人九十
七歲有傳
馮漁隱 越塘人
有傳
馮振芳 大萌人
九十六

歲
馮綜 越塘人九十
二歲有傳
馮伯秋 人九十
六歲有傳
勞建華

龍溪人九十
二歲有傳

國朝

梁耀五 四合人一
百零七歲

李宗餘 古造人一百零五歲
乾隆四十六年請
旌

李朝德 堯溪人一百零四歲
嘉慶十九年請
旌

鶴山縣志卷之七 人物

呂朝棟 鐵岡人一百零二歲五代
同堂嘉慶十一年請旌
李煥然 維敦人
一百零

二歲
黃兆朋 那白人一百零一歲乾隆五
十一年嘉
慶元年領壽民冠帶長子君正八十

六次子君顯八十二嘉
慶元年俱領壽民冠帶
呂瑞煜 維敦人一
百零一歲

楊泮 人
李聯聖 人
呂閏生 人
梁應

漢 堂馬人嘉慶元
年領壽民冠帶
梁振鐸 堂馬人嘉慶元
年領壽民冠帶

劉應璋 沙芬人嘉慶元
年領壽民冠帶

以上俱一百歲

劉伊水 赤坎人
麥天祿 四合人嘉慶元
年領壽民冠帶
陳琅章 沙
涌

人
李益儒 維敦人

以上俱九十九歲

馮鶴齡 越塘人
劉士虬 人
馮益 人
林文椿 人

人任鼎蛟 江宰人乾隆元年領壽民冠帶李家珍 慶元年十

三年二十五年疊領冠帶棉肉紋銀關朗乾 麥村人李閏祿 蓮塘人

秉鈞孫汝梅俱邑庠生吳錫楚 選田人嘉慶元年

子七人孫曾二十九人余廷觀 靖村人嘉慶元年十

民冠帶子四人孫十一人會孫十五人黃允宏 維敦人張芝芳 葫蘆嘴

壽民冠帶孫曾二人黃允宏 維敦人張芝芳 葫蘆嘴

以上俱九十八歲 容瑤 人馮昭 人呂兆文 人呂省儀

人鍾昌學 人乾隆三十年領壽民官帶何秉常 樓冲人

任德茂 麥村人嘉慶十四年領壽民冠帶易九經 玉橋人吳朝嵩

選田人

以上俱九十七歲

鶴山縣志卷之七 人物

李國業 堯溪人馮叔宜 越塘人鄧朗標 人劉

宗猷 人馮擴伯 人馮名 人馮樵山

人源尙宗 霄鄉人馮鳴尙 人宋應翔

人呂梓林 人源宗溟 霄鄉人呂裕後

人呂洪昌 人呂洪琨 人呂起源 人

麥翼崑 四合人黎朗士 石龍人關叔昂 麥村人李

廷耀 梧坑人温則仁 文堂人李榮士 坡山人黃揆

良 邗白人乾隆五十一年領壽民冠帶陳兆倫 沙涌人張大維 雲鄉

見鄉飲同黃承寶 維敦人李君會 堯溪人梁文宏

堂五代 人嘉慶二十四年領壽民冠帶

以上俱九十六歲

鄧錫醇

人古珍

人馮官祖

人呂廷

猷

人莫顯能

澁蓼人

胡肇元

峴江人乾隆三十五年領壽民

冠陳宗烈

七年領壽民冠帶

羅超樂

荷村人冠帶

陳揚振

七年領壽民冠帶

羅大禮

荷村人嘉慶十年領壽民冠帶

肉紋胡貽憲

古蠶人

梁士勇

四年領壽民冠帶

以上俱九十五歲

源利恩

霄鄉人

宋神相

人呂廷琨

人呂

倫之

人

黃啟存

人李賦旦

人呂嗣

隆

人呂文遇

庠生

人馮朝俊

越塘人

吳時清

選田人乾隆元年領壽民冠帶

梁卓佐

堂馬人

麥翼琚

隆三十七年領壽民冠帶

年領壽民冠帶

任日蕃

大郡人嘉慶元年領壽民冠帶

溫亨儒

安分人嘉慶元年領壽民冠帶

鶴山縣志卷之七

人物

三

壽民冠帶溫遠見

安分人嘉慶十四年領壽民冠帶

王容式

錢塘人易

清客

玉橋人

宋亮賢

莘岡人

宋輝勸

莘岡人嘉慶十四年領壽民冠帶

壽民冠帶黃似俊

那白人

易申客

玉橋人嘉慶四十年領壽民冠帶

羅的

義

荷村人道光元年領壽民冠帶

馮學建

那水人

呂起富

維敦人

李開發

人嘉慶二十四年領壽民冠帶

梁振常

人嘉慶二十四年領壽民冠帶

冠帶

以上俱九十四歲

馮卓山

越塘人

屈慶

十七年領壽民冠帶

呂朝傑

人陳朝顯

人麥命璽

人倫建誥

人李國寶

西園人武生

劉源翰

龍嶺人

溫純質

文堂人乾隆五十一年領壽民冠帶

葉沃沛

羅江人乾隆五十年領壽民冠帶

疊領冠帶棉內紋
關敬君
麥村人領壽民冠帶
温

朝恩
霄鄉人領壽民冠帶
何顯登
芸蓼人
呂觀國
樓冲人
馮

廷鈞
滙蓼人
郭榮遠
黃寶坑人
郭英尙
黃寶坑人
易友

良
坡山人
李貫山
堯溪人同
李炳南
堯溪人領壽民冠帶
黃

崇萬
黃洞人領壽民冠帶
黃兆進
那白人
黃華舉
那白人

慶元年領壽民冠帶
黃朝瑞
那白人
易上進
堯溪人
羅處義

荷村人領壽民冠帶
文斗
文屋邊人
馮肇蕃
那水人
陳元

上
沙涌人
謝璜
人領壽民冠帶
十四

以上俱九十三歲

陳達可
庠生
李棟林
人
林光緝
人
陳

存孝
人
鄧傑賓
人
呂顯悅
人
呂朝

鶴山縣志卷之七 人物

敏
人
林耀顯
三十七年領壽民冠帶
羅偉

茲
荷村人領壽民冠帶
何邦顯
樓冲人領壽民冠帶
王

明意
錢塘人領壽民冠帶
任象賢
大郡人領壽民冠帶
何庸

光
芸蓼人
馮達儒
羅江人
李吉上
沙洞人
馮揆元

滙蓼人
馮郁榮
滙蓼人
吳紹裘
黃寶坑人
源耀蕃

霄鄉人
陸殷傳
隔蘭人
李殿友
上旺村人
劉萬宏
堯溪

人
胡宜炳
坡山人
胡挺文
坡山人
唐文明
坡山人

羅盡義
荷村人領壽民冠帶
馮居廣
雅瑤人領壽民冠帶
張

如松
靖村人領壽民冠帶
馮揆芳
維敦人
呂雁書
維敦人
林耀

泮
人領壽民冠帶
二十四

以上俱九十二歲

馮如石 越塘人 鶴齡弟 呂洪泮 人 麥乾鰲 人 李

岳薦 人 李占勇 古造人 葉瓊嵩 四人 俱乾隆

三十七年領 羅麗茲 荷村人 乾隆五十七年領壽民冠帶 李英厚 蓼

人乾隆五十八年嘉慶元年領壽民冠帶 何朗儒 芸蓼人 乾隆五

年十四年疊領壽民冠帶 馮翰華 越塘人 孫天相

冠帶 李世英 開洞人 嘉慶元年領壽民冠帶 李昌聯 沙洞人 馮萬魁 滄蓼

俱邑 李榮上 祿洞人 李昌聯 沙洞人 馮萬魁 滄蓼

温明進 倉下人 胡大魁 坡山人 疊錫壽民冠帶 宋

耀權 萃岡人 黃敬良 那白人 黃倫卓 那白人 嘉慶

冠帶 呂吉恩 大坑岡人 嘉慶元年領壽民冠帶 胡鳳三 坡山人 胡覺

三 坡山人 易詞吉 坡山人 李以寧 坡山人 易佐廷

玉橋人 易教儀 玉橋人 嘉慶四年領壽民冠帶 鄭祚炳 人 羅

高義 人 黃承遠 人 李厚光 人 李超

猷 人 李超鳳 人 李上文 人 曾振茂

七年領壽民冠帶 麥仲光 四合人 古堯民 龍溪人 子大任

大經皆庠 古大鯤 龍溪人 張樂然 小范人 薛立德

生見選舉 古大鯤 有傳 張樂然 小范人 薛立德

四年領壽民冠帶 以上俱九十一歲

易訓洪 玉橋人 麥仲郁 榕樹下人 乾隆元年 陳聖佐

大官田 馮欽生 越塘人 林統著 沙田人 林光慈 沙

人 鄧聖和 玉橋人 王家祥 龍井人 黎耀鳳 小蓮塘

麥子俸 四合人 麥道見 榕樹下人 李興瓚 坡山人 以上十人

俱乾隆十六年 劉朝輝 龍嶺人 區介錫 人 陳

鶴山縣志卷之七 人物

華國

人李華吉

人侯廷莊

人呂尙

興

隆三十七年領壽民冠帶

人俱乾

羅華禮

荷村人

義

荷村人俱乾隆五十六年領壽民冠帶

李恩衍

祿洞人嘉慶元年

紋銀

梁祐蕃 大園嘴人嘉慶元年領壽民冠帶

葉孔瓚

羅江人

日明

赤坎人何億元 樓冲人

任允麟

江宰人見封蔭

宗

石硯人同

任日垣

大郡人同堂四代子孫三十餘人

源賢佐

霄

人

高煥斯 石頭人

陸一良

傑洲人

李柱彰

大塘人領壽民

冠帶

李沛源 大塘人領壽民冠帶

胡聖昌

泊步人

胡源超

大園人

吳澤言

大園嘴人

黃國聯

那白人嘉慶元年領壽民冠帶

李開榮

上

村

胡慈輝

坡山人

李達思

坡山人

易燦諒

坡山人

胡孔賢

坡山人

胡彪炳

坡山人

易贊廷

玉橋人

鶴山縣志卷之七 人物

羊

應武

堂馬人嘉慶元年領壽民冠帶

梁乾相

堂馬人嘉慶元年領壽民冠帶

羅準

義

荷村人嘉慶元年領壽民冠帶

馮志彩

人嘉慶十四年領壽民冠帶

源沛

混

霄鄉人嘉慶十五年領壽民冠帶

鍾九成

人

李厚照

祿洞人

葉彰遠

人

李德秀

祿洞人俱嘉慶

十七年領壽民冠帶

陳文柏

沙涌人

陳元就

沙涌人

温連進

文堂人

馮瑞瓊

維敦人

黃魁賢

維敦人

施朗英

人嘉慶二十四年領壽民冠帶

張垣禮

四年領壽民冠帶

人嘉慶二十年領壽民冠帶

以上俱九十歲

謹案鶴邑多壽人書不勝書故斷自九十

歲者乃登于冊

鶴山縣志卷之七終